


A W I G - A W I G
DESA ADAT SENGANAN KANGINAN
DESA SENGANAN



KECAMATAN PNEBEL
KABUPATEN DAERAH TK. II TABANAN

A W I G - A W I G
DESA ADAT SENGANAN KANGINAN
DESA SENGANAN



KECAMATAN PENEDEL
KABUPATEN DAERAH TK. II TABANAN

DAGING AWIG-AWIG DESA ADAT

SENGANAN KANGINAN

Kaping	Kaca	Sargha	Palet	Sasinahan	Paos
1.	!	!	!	! Murdha Wakya	!
	!	!	!	! Dasar lan Tatujon.	!
	!	!	!	! Utsaha/laksana.	!
2.	!	I	!	! Indik haran lan wates	!1-2
	!	! Haran Wawi-	!	!	!
	!	! dangan.	!	!	!
	!	!	2	! Indik Wawidangan	! 3
	!	!	3	! Indik Wawongkon	! 4
	!	!	4	! Indik Tatrapan	! 5
	!	!	5	! Indik Prajuru/pangenter	! 6
3.	!	II	!	! Indik Pakraman	!7-9
	!	! Sukreta tata	2	! Indik Ayah-ayah	! 10
	!	! Krama	!	!	!
	!	!!	3	! Indik Paturunan.	! 11
	!	!	4	! Indik Swadharma	!12-13
	!	!	5	! Indik Pamangku, Srati,	!14-19
	!	!	!	! Sutri.	!
	!	!	6	! Indik Paruman	!20-21
	!	!	7	! Indik Kulikul	! 22
	!	!	8	! Indik Padruwen/Palaba	!23-27
	!	!	9	! Indik dusta miwah baya.	!28-31
	!	!	10	! Indik Panyanggran Desa Adat	! 32
	!	!	11	! Indik Pamidanda.	!33
	!	!	12	! Indik Rerampangan	! 34
	!	!	13	! Indik Wicara.	! 35
	!	!	14	! Indik Wawajungan.	!
4.	!	III	!	! Indik Kasucian Desa Adat	!37-38
	!	! Sukreta Tata	!	!	!
	!	! Agama	!	!	!
	!	!	2	! Genah Suci/Panyiwyan	!39-41
	!	!	3	! Indik Tunon, setra, miwah	!
	!	!	!	! Atiwa-tiwa.	!42-45
5.	!	IV	!	! Indik Kawikon Guru Loka	!46-49
	!	! Sukreta Tata	!	!	!
	!	! Pawongan.	!	!	!

	!	!	!	2	!	Pawarangan miwah Pakula War-	!
	!	!	!		!	gan	! 50-52
	!	!	!	3	!	Indik Pawiwahan	! 53-55
	!	!	!	4	!	Indik sulur treptining Pa-	!
	!	!	!		!	wongan	! 56-58
5.	!	26-27	!	V	!	1	!
	!		!	Tata Sukre-	!		!
	!		!	tan Awig-	!		!
	!		!	awig.	!		!
	!		!	2	!	Indik Pamuput	! 60
6	!	29	!	-	!	-	!
	!		!	-	!	Pamatut	!

S A R G H A I
H A R A N , W A W I D A N G A N

Palet 1

Indik Haran Lan Wates

Paos 1

H a r a n

1. Desa Adat puniki maharan / mawasta Desa Adat Senganan Kanginan.

Paos 2

2. Wates Desa Adat Senganan Kanginan lwire :

- | | |
|-----------------|-----------------------|
| a. Sisih Kangin | : Tukad Yeh Panan. |
| b. Sisih Kelod | ; Subak Sri Nadi. |
| c. Sisih Kauh | : Subak Rum. |
| d. Sisih Kaler | ; Desa Adat Bugbugan. |

Palet 2

Indik Wawidangan

Paos 3

1. Wawidangan Desa Adat Senganan Kanginan manut Dresta, lwire :

- a. Palemahan Kahyangan, Setra.
b. Palemahan Karang Paumahan.

Palet 3

Indik Wawungkon

Paos 4

1. Desa Adat Senganan Kanginan ngawengku :

- a. Banjar Senganan Kanginan.
b. Kahyangan, Setra, Tegal, Carik manggeh telajakan Desa Adat.

2. Desa Adat Senganan Kanginan nyejerang Awig-awig Desa Adat miwah Pararem.

3. Mingsinggihang Awig-awig lan Pararem Subak ring telajakan Desa Adat Senganan.

Palet 4

Indik Tatrapan

Paos 5

1. Desa Adat Senganan Kanginan ngamanggahang wates wawidangan Desa Adat hantuk Paruman Desa Adat.

2. Ngardi makudang-kudang Telajakan manut kabwatan malarapan pamutus Paruman Desa.

3. Tan ngawenang Tempokan ngardi Awig-awig Pararem.

4. Negepin Awig-awig kalih Pararem Desa Adat hantuk lingga tangan sang wenang, kandunggi dados lumaksana.
5. Negepin Desa Adat hantuk piranti-piranti pamakas Bale Banjar miwah Kulukul.

Palet 5

Indik Prajuru/Pangenter

Paos 6

1. Desa Adat Senganan Kanginan ngardi Prajuru-prajuru lwire :
 - a. Bendesa Adat, Katogepin hantuk :
 - = Panyarikan, maka juru Surat.
 - = Patengen, maka pangemong druwen Desa Adat.
 - = Juru arah maka juru gumenang.
 - b. Kelihan Tempakan, manggeh pangenter Tempakan.
 - c. Pamangku, Serati lan Sutri manggeh pangenter Yadnyan Desa Adat.

S A R G H A II

SUKRETA TATA KRAMA

Palet 1

Indik Pakraman

Paos 7

1. Krama Desa Adat, lwire :
 - a). Sahanan sang jenek mapaumahan ring Desa Adat Senganan Kanginan sinanggeh wong Desa Adat.
 - b). Wong Desa Adat Senganan Kanginan linggilnya kalih (2) soroh :
 - 1.b. Kula Warga sane magama Hindu tur nyungkemin makrama Desa, sinanggeh Krama Desa Adat.
 - 2.b. Sajaba Punika, sinanggeh tamu.

Paos 8

1. Dasar lan tata mapakraman, lwire :
 - a). Sahanan Wong Desa Adat sane sampun marabyan, patut ngawit tedun makrama.
 - b). Satunggil krama manut karendahan kula wargannya, patut keni ayah-ayah :
 - 1.b. Ayahan sasomah.
 - 2.b. Babalwan, luput ayahan.

2. Sasengker ngawit ngayah, ene_m sasih saking ngawit pastika sampun marabian.
3. Pangayah wenang lepas sasampun kapastika hantuk Pararem :
 - a). Saliit Tahunan tan tinambar.
 - b). Mayusa 55 Tahun.
 - c). Sang lepas ayahan prade marabian malih ring gang mayusa du + rung 55 tiban, patut keni ayah-ayah sibak.
4. Kula warga sane maagama Hindu wiwitan dura Desa wenang granjing Desa Adat Senganan Kanginan, prade jenek mapaumahan ring widangan Desa Adat Senganan Kanginan.
5. Sang jenek lintang ring pitung rahina ring Desa Adat Senganan Kanginan, dados pamumpang.
6. Sang ayat ngranjing dados Krama Desa Adat utawi dados panumpang kasulurang :
 - a). Atur upaksa ring Bendesa Adat.
 - b). Naur jinah ngasasih, marep ring panumpang, agung alit panaur mamut pararem.

Paos 9

1. Wusan makrama Desa Adat Senganan Kanginan, Kasulurang :
 - a). Mangingsir linggih saking Desa Adat Senganan Kanginan, tur jenek ring genah sewos.
 - b). Wit Piwal ring Awig-awig Desa Adat, ring pararem, miwah ring pituduh prajuru indik nyupat raga ngesehin prareti.
 - c). Patiwak nguwusang utawi nganorayang sang makrama Desa Adat Senganan Kanginan, kaatur humingayang ring Guru Wisesa.
 - d). Sang wusan makrama Desa Adat tan polih pahan sahanan druwen Desa Adat, miwah tan polih pasayuban Desa Adat Senganan Kanginan.
 - e). Sang keni kawusang utawi kanorayang prade kukuh kaatur humingayang ring Guru Wisesa.
 - f). Tata cara sulur nguwusang utawi nganorayang, manut pararem.

Palet 2

Indik Ayah-ayah

Paos 10

1. Wastan ayah-ayah Krama Desa Adat Senganan Kanginan lwire :
 - a). Ayah-ayah Truna (sane lanang).
Ayah-ayah Daa (sane Istri).
 - b). Ayah-ayah alit-alit sampun pantes ngangon (yusa 6 tiban) lanang (truna nyoman) istri (daa nyoman).

- c). Sahan ayah-ayah truna inucap, kapupulang ring Sekeho Truna.
- d). Ayah-ayah krama (sane sampun mapikuren).
- e). Krama Sane balu tan keni salwir ayah-ayah Desa Adat.

2. Ayah-ayah Krama Desa Adat Senganan Kanginan kasulurang :

- a). Dados ngwakilang ring anak lian sane sampun menek truna/daa.
- b). Dados pwangkid, prade wenten kabwatan :
 - b.1. Keni dadauhan Guru Wisesa.
 - b.2. Kelwasan ngwangun rumah, mayadnya.
- c). Kapyambong (sungkan, matepetin, kapademan).
- d). Pamutus papwangkidan manut pararem.

3. Tedun makrama Desa Adat miwah ayah-ayah kasulurang :

- a). Tedun ayahan krama Desa Adat kaetang 6 sasih saking ngawit nganten.
- b). Wusan makrama Desa Adat, kaetang pramangkid.
- c). Ngetang lalepasan ayahan krama, masenger yusane 55 tiban tur kasulurang tunggal kasanga (nyepi) majalaran paruman.
- d). Mastikayang cacah jiwa krama miwah ayah-ayah, malarapan paruman Desa Adat.
- e). Kapastian inucap mangda gelis kasuratang ring likitan Desa Adat.

Palet	3
Indik	Paturunan
Paes	11

1. Paturunan krama Desa Adat Senganan Kanginan kasulurang :

- a). Pangayah sasomah keni sawungkul.
- b). Pangemong tanah karang Desa keni sawungkul, kalarang ngwangun.
- c). Balu remban/ngelintik tan keni paturunan.
- d). Pidabdab pekenan-kenan urunan krama utawi pangemong tanah karang Desa, manut pararem.

Palet	4
Indik	Swadharma
Paes	12

1. Swadharman Prajuru/Bnedesa Adat senganan Kanginan :

- a). Ngenterang paruman Krama Desa.
- b). Ngenterang panglaksanaan daging Awig-awig pamutus pararem.
- c). Mgraksa, nabdad tatane ngangge saraja brana druwen Desa Adat.
- d). Ngenterang krama ngupadi kasukretan Desa, sakala-riskala.
- e). Nuntun, nyaksenin kabwatan krama skala-riskala, ngilitang pakula wargan.

- f. Nuntun Krama Desa; nginggilang Sanghyang Agama; karajegan Kahyangan lan Pawongan.
 - g. Mawosin; niwakang pamutus wicaraning Krama Desa.
 - h. Ngwakilin Desa Adat matenuwang bawos ring sapa sira ugi.
2. Tata cara nglaksanayang swadharma inucap; mangda amut ring daging awig-awig; pararem; dresta lan pamutus paruman desa Adat Senganan Kanginan.
 3. Sahanan pamutus Bendesa Adat; mangda kasiarang ring paruman Desa kapungkurah
 4. Bendesa Adat sumakuta (negen nyuun) pamutus paruman Desa.

Paos 13

1. Olih-olihan Bendesa Adat; lwire :
 - a). Upon-upon tanah pacatu.
 - b). Luput pakenan kenan / paturunan.
 - c). Angkepan duman.
2. Pidabdab olih-olihan lan laluputan ring hajeng; manut pararem.

Palet 5

Indik Pamangku, Serati lan Sutri

Paos 14

1. Pamangku kaadegang malarapan :
 - a). Ngelingin katurunan.
 - b). Kapilih olih Krama Desa Adat.
 - c). Saking nyanjan.
2. Pamangku kengin kasanggra olih Panyado (Wakil mangku) manut kabwatan Desa Adat.
3. Desa Adat negen prabyan adiksa Widhi (ngawintennang) Pamangku.
4. Desa Adat madarma sadana (punia) kalaning atiwa-tiwa disedeng Pamangku kawekas.
5. Tata cara ngadegang; adiksa widhi; atiwa-tiwa lan ngadegang Panyado inucap; manut pararem.

Paos 15

1. Swadharma Pamangku lwire :
 - a). Nuntun ngenterang Krama Desa Adat; ngamanggehang kasucian Kahyangan Desa.

- b). Munggah tedun ngiasin pelinggih, Pralingga, manut pamastikan Prajuru.
- c). Nuntun, midabdab, ngilenang Yadnyan Krama Desa Adat ring Kahyangan Desa.
- d). Rajeg nganutin Gagelaran kepemangku. ✓
- e). Olih-olihan Pamangku, kasulurang manut pararem.
- f). Tata cara ngadegang Panyade, manut pararem.

Paos 16

- 1. Sarati kaadegang malarapan :
 - a). Saking kapilih olih Krama Desa.
 - b). Saking nyanjan.
- 2. Sutri kaadegang malarapan :
 - a). Saking pamuwus.
- 3. Prabyan ngawintenang Sarati miwah Sutri, kategen olih Krama Desa manut pararem.
- 4. Krama Desa Adat sareng madarma sadana punia ring Sutri miwah Sarati kalaning soda/matiwa-tiwa.
- 5. Tata cara ngadegang Sarati miwah Sutri, manut pararem.
- 6. Swadharma Sarati, lwire :
 - a). Ngenterang Krama Desa Adat midabdab upakara Yadnya manut pamastikan Prajuru.
 - b). Nyangga Pamangku kalaning nganteb Yadnyan Krama Desa Adat.
- 7. Swadharma Sutri lwire :
 - a). Ngamanggehang kasucian.
 - b). Satya manggeh tapakan / dasaran Bhatara Kahyangan Desa Adat.
- 8. Olih-olihan Sarati miwah Sutri kasulurang manut pararem.

Paos 17

- 1. Sang tan manggeh adegang Pamangku, Panyade, Sarati miwah Sutri lwire :
 - a). Sang Cedangga (buta, bongol lan sakanannya).
 - b). Gering ila tan tinamban (buduh, ayan lan sakancannya)
 - c). Nastika (tan ngugu Hyang Agama).
- 2. Nyuwudang Pamangku, Panyade, Sarati miwah Sutri kasulurang manut Pararem.

Paos 18

- 1. Swadharma Krama Desa Adat Senganan Kanginan Lwire :
 - a). Drede atwang ring Desa Adat.
 - b). Tinut ring sadaging awig-awig, pararem miwah pamutus Desa.

2. Swadharman Tamiyu/Panumpang ring Desa Adat Senganan Kanginan lwire :
 - a). Satya tinut ring patiwak Desa Adat, indik ngupadi sukretan Desa Adat.
3. Desa Adat Senganan Kanginan maweh pasayuban ring krama Desa ring tamiyu/panumpang ngeninin indik:
 - a). Sukretan maagama.
 - b). Sukretan mapakraman.
 - c). Sukretan makula warga.
 - d). Sukretan padruwean.
 - e). Mawosin pawicaraan.
4. Paniwak pasayuban inucap kasulurang manut pararem.

Paos 19

1. Desa Adat Senganan Kanginan maweh leluputan ayah-ayah miwah pakehan-kenan, lwire :
 - a). Ring sang inggiling linggih.
 - b). Ring Sang kawelas-asih.
 - c). Ring Prajuru Desa Adat.
 - d). Ring Pamangku Panyade, Sarati, miwah Sutri Desa Adat.
 - e). Ring Sang Sungkan tan tinamban.
 - f). Ring Sang cadangga banget.
 - g). Ring Sang ubuh mene bapa.
2. Sulur niwakang leluputan inucap, manut pararem .

Palet 6

Indik Paruman

Paos 20

1. Paruman Desa Adat Senganan Kanginan lwire :
 - a). Paruman Desa Adat.
 - b). Paruman Prajuru Desa Adat.
 - c). Paruman Truna-truhi.
 - d). Paruman Tempekan.
 - e). Paruman Pamangku, Sarati, Sutri.
2. Sakancan paruman ridha lumaksana sasampun katedunin antuk langkungan ring atenga sang patut rawuh.
3. Sahanan pamutus, malarapan antuk gilik briyuh siyu, bilih tan si-dha, suarane makehan kamanggehang pamutus.
4. Sahanan paruman krama, karihinin pangragana Hyang, saha banten pangrawos, sakalwirnya.

1. Paruman Desa Adat Senganan Kanginan kawentenang nyabran asasih apisan.
2. Nangkon paruman, Bendesa Adat ngenter paruman saha nyiarang :
 - a). Ngunjuk lungsur krama, miwah ayah-ayah.
 - b). Pamargin panelas jinah miwah sulur druwen Desa.
 - c). Pamargin usaha Desa.
 - d). Indik wicara saha pamutusan.
 - e). Indik daging pararem.
 - f). Rerancangan Prajuru indik usaha Desa Adat Kapungkur.
3. Sahanan sasilar, katiwakin pamutus pararem Desa Adat.
4. Pamutus pararem manggeh sepat siku-siku krama lan prajuru jroning ma --
laksana.
5. Paruman saking kawidi Olih krama kasulurang lwire :
 - a). Pangwidin krama sanistan e apah tiga saking papulan Krama Desa.
 - b). Pangwidin niri-niri.
 - c). Pangwidi (a lan b) atur upiksa ring Prajuru nugasang kengin /
tan kengin.
 - d). Yan kengin paruman lumaksana, patut katiwakin pamutus.
6. Paruman Prajuru kawentenang sanistane duang sasih apisan, ngeninin
Indi :
 - a). Ngarincikang tata upaya kabwatan Desa Adat.
 - b). Pamutus rancangan Prajuru tan wenang lumaksana sadurung polih
pamutus krama Desa Adat, majalaran paruman.

Palet 7

Indik Kulkul

Paos 22

1. Kulkul Desa Adat Senganan Kanginan manggeh sarana, tengerannya kabwa-
tang anggen wangsit ring wawidangan Desa Adat.
2. Kulkul Desa Adat tan wenang katepak yan tan manut ring Awig-awig puniki.
3. Tabuh tepakan Kulkul pastika masewos-sewosan, manut tatujom lwire :
 - a). Tengeran upacara kabwatan Desa Adat, swarannya : nungtit/alon.
 - b). Tengeran ngawit ngelaksanayang pakaryan manut arah-arah, 4 tulud.
 - c). Tengeran warga Desa padem, atulud 3 kelentongan alon.
 - d). Tengeran warga Desa lanang/istri nganten, atulud 5 Kelentongan.
 - e). Tengeran Warga ngembasan rare, atulud 7 klentongan.
 - f). Tengeran warga Desa kepejagandang, tepak kulkul bulud.
 - g). Tengeran Wong Desa kaamat, baok, begul, agni haya miwah baya patine.
 - h). Tengeran ngurumgang penglaksanaan pakaryan Desa, swaran kulkul enem
tulud.

4. Kulkul Desa tan wenang katepak, yan tan mula wantah anggen kabwatan Desa, miwah kabebasan Prajuru.
5. Krama Desa Adat Senganan Kanginan mangda satya nglaksanayang swa - dharmā manut ring wangsit tengeran tepakan kulkul desa.
6. Swaran kulkul sekehe-sekehe ring Desa Adat Senganan Kanginan, tan dados matehin swaran kulkul Desa.

Palet 8
Indik Padruwen/Pelaba
Paos 23

1. Padruwen Desa Adat Senganan Kanginan, lwire :
a). Tanag Tegal, ^{caruk} manggeh laba Pura Desa Adat.
2. Pelaba inucap mangda kaenter olih Bendesa Adat, manut dudonan.
3. Upon-upon/oli-oli Pelaba inucap kasulurang anggen kabwatan Desa Adat, sekala lan niskala.
4. Palaba inucap mangda malikita.

Paos 24

1. Sahanan karang Paumahan patut :
a). Pastika wenten wates ipuri.
b). Mapemedal karurung.
2. Bendesa Adat mangda nitenin krama nyulurang katreptian pekarangan swang-swang, lwire :
a). Wates karang sane majepitan katagen olih pangemong karang mahuluan wates manut dresta.
b). Pangemong karang, miara telajakannya, miara margi ring harepan karang amongannya.
c). Oli-oli (woh) taru sane mentik ring wates karang kadruwe olih sang negen.

Paos 25

1. Tata nyulurang karang, lwire :
a). Tanem tuwuh sakalwire tan wenang ngungkul/naonin karang panyanding, miwah tata ngangge karang, tan wenang ngawinang pocol karang panyanding.
- b). Tanem tuwuh sane naonin karang panyanding, wenang katepas gantun gin. raris katelatin olih sang adruwe, pidabdabe kadi ring sor :

- b.1. Sang adruwe tanem tuwuh, atur upeksa ring Prajuru, pa -
cang saha nyaksi kalaning nelasin.
- b.2. Atur upeksa nunas tempo, panumaya pacang nelasin.
- b.3. Sadurung enjek tempo, prade tanem tuwuh rubuhing linuh,
angin sakalwire, sang adruwe tanem tuwuh luput ring ka-
iwangan.
- b.4. Tanem tuwuh sane mamayen karang siwos, wenang karampas /
kataban olih sang keni baya.
- c). Salwir tanem tuwuh miwah tatangunan sane ngungkul, mayaning Pa-
nyanding, panyepat gantung wenang maren (ngatengahang) $\pm$ 1 M
saking wates.
- d). Tan wenang makarya lolohan toya pangutangan kakarang panyanding.
- e). Salwir tanem tuwuh/tatangunan rubuh mayanin tetangunan panyad ding
sang adruwe tetangunan rubuh patut mianin tetangunan sane rusak,
miwah bian pasangaskara, ya, sang keni baya hatur upeksa ring
Prajuru, tanem tuwuh utawi tetangunan sane mayanin, kabukti olih
sang keni baya.

Paos 26

- 1. Tan wenang nanem utawi ngeseng sawa miwah awak-awakan sawa ring ka-
rang paumahan.
- 2. Tan wenang makta/ngenahang barang-barang sakalwire sane kaucap leteh
manut Agama kakarang paumahan miwah kadessa pakraman.

Paos 27

- 1. Ngentasang sawa, patut ring pakarangan lan pamedalan sane mula yoga.
- 2. Ngentasang sawa ring tegal, carik, pakarangan anak sewos kasulurang
lwire :
 - a). Yan padem ring karang anak lian, ring genah punika gelarang pra-
yascita sapatuta, sapupute percikang tirta prayascita inucap
ring sane kaentap.
 - b). Ngentasang swa ring tukad, telabah, pangkung sakalwire, kengin
tan ngawentenang prayascita genah sane kaentap.
 - c). Sawa wiadin barang-barang sewosan sane sinanggeh leteh manut Aga-
ma sane tan janten sang adruwe, patut atur upeksa ring guru Wi-
sesa. Sapanugrahan Guru Wisesa, sawa wiadin barang punika wenang
kaprateka olih desa Adat, manut Agama.

Palet 9

Indik Dusta Miwah Baya

Paos 28

1. Warga Desa Adat sane uning wentene sang malaksana dusta, patut digelis nguningayang ring Prajuru Desa.
2. Bilih mawat laksana dustane, sang uning, sasampune hatur huning ring Prajuru, digelis nepak kulkul wangsit indik tengeran dusta.

Paos 29

1. Warga Desa Adat Senganan Kanginan sane uning wentene Pancabaya (Jiwa, Arta, Geni, Cora lan Toya Baya), mangda digelis hatur huninga ring Prajuru.
2. Bilih mawat bayanne, sang huning digelis nepak kulkul tengeran baya, sasampune kaparisuda olih Prajuru.

Paos 30

1. Desa Adat Wenang masasrep, prade wenten Warga Desa kamalingan, tur tatane masasrep kasulurang :
 - a). Sang masasrep katuntun plah Bendesa Adat.
 - b). Yan masasrep jantor kadura Desa Adat Senganan Kanginan, wenang munas babebasan Prajuru genah masasrep.
 - c). Barang bukti sasrep sane kakeniang, olih Bendesa Adat ngaturang ring Guru Wisesa, salanturnya munas mangda kasulurang manut katututan uger-uger jagat.

Paos 31

1. Warga Desa Adat Senganan Kanginan sane palih nuduk barang-barang sakalwire, mangda nguningayang ring Bendesa Adat, tur Bendesa Adat nitenin lwire :
 - a). Bendesa Adat nyiarang barang undukan inucap ring krama.
 - b). Ring sang mariangken, nyihnayang, mungwing barang punika mula wantah druwenya.
 - c). Yan jantor tigang sasih saking rahina sasiar tan wenten sang mariangken, Bendesa Adat nyerahang ring sang nuduk, gumanti kadrauwe olihnya.

Palet 10
Indik Panyangran Desa Adat.
Paos 32.

1. Krama Desa Adat, wenang nyanggra pakaryan suka/duka krama Adat Senganan Kanginan.
2. Pakaryan druwen sinalih tunggil krama sane mabwat, tata panyanggran nya kaserah ring Desa Adat.
3. Desa Adat patut madarsana rasa prama tulung ring sang makarya, tan maren miteketang susatyan kramane ring Desa Adat.
4. Bilih karyane mabwat, bobot, Desa Adat wenang ngreroh pitulung ring Desa Adat siwosan.
5. Pakaryan sane patut kasukserah ring panyanggran Desa Adat lwire :
 - a. Ngupakara sawa/atiwa-tiwa.
 - b. Nyanggra panglaksanaan pitra Yadnyan sinalih tunggil krama jantos puput.
6. Pakaryan sane kengin katunasang panyanggran Desa Adat, lwire :
 - a. Sehanan Yadnyan sane mabwat.
 - b. Sehanan wawangunan sane mabwat.
7. Tata cara panyanggra inucap, manut ring paparem.

Palet 11
Indik Pamidanda
Paos 33

1. Desa Adat Senganan Kanginanwenang niwakang pamidanda ring wong Desa Adat sane sisip.
2. Paniwak inucap kalaksanayang olih Bendesa Adat, swang-swang manut dudonan.
3. Bacakan pamidanda sang wenang katiwakkan, lwire :
 - a. Antuk ayahan pamuhun kasisipan.
 - b. AntukArta danda.
 - c. Antuk upakara (Dewa danda).
 - d. Antuk nganorayang.
4. Wenang niwakang panikel urunan, panikel dadendan ring sang amandel.
5. Paniwak agung alit panmidandan ring sang sisip, nganutin Agama, dreg ta, tur ngadungan ring kasisipan, kaputusan malarapan pararem.
6. Jinah utawi pamidandane, ngranjing dados druwen Desa Adat Senganan Kanginan.

Palet 12
Indik Rerampagan
Paos 34

1. Krama sane langkung ring tigang sasih mandel urunan utawi pepeson miwah dedendan, wenang keni rerampagan.
2. Tatane ngerampag, kadi ring sor :
 - a). Kalaksa ayang olih Prajuru Desa Adat, saha saksi tigang diri saking krama.
 - b). Sang Kerampag tan wenang ngalangin sang ngrampag, kengin nyaksi.
 - c). Sang ngrampag tan wenang ngrampag, langkung ring katah utang sang kerampag, yan sane krampag tetangunan utawi tanem tuwu, weng nang kesawenin, maka ciri kerampag.
 - d). Barang rerampagan kengin kelelangan yan jantof adasa (10) rahina sang kerampag tan nebus barangnya sane kerampag.
 - e). Bendesa Adat sumakuta ring pamargin ngrampag.
3. Tan wenang ngrampag lwire :
 - a). Barang-barang sane kasucian manut Agama, manut dresta.
 - b). Ingon-ingon sarana ngrereh pangupajiwa (sapi, kebo, kuda).
 - c). Prabot maka bwatan usaha pangupajiwa (tambah, payuk, lan sakan cannya).
4. Mangda tan jantos ngicalang cihna kamanusan miwah mucehang usaha sang kerampag.
5. Yan sang kerampag rumasa kabratan, kengin nunas babawos ring sang rumawas masengker sia (9) rahina saking rahina kerampag.

Palet 13
Indik Wicara
Paos 35

1. Desa Adat wenang mawosin saha maweh pamutus wicara krama Adat Senganan Kanginan, katuntun olih Prajuru Desa Adat.
2. Mawosin wicaraan krama, kasulurang :
 - a). Wicara gane mawit kacorahan, mungkasin daging awig-awig Desa Adat miwah paswara kalih pararem krama, kabawosin pramangkin tan nyantos pasadok.
 - b). Sajaba punika, nyantosin pasadok sang nunas babawos.
3. Sahana wicara, katepasin jantos pastika iwang kalawan patutnya, mada - sar Tra Pramana (bukti, saksi, likita).

4. Sahanan pamutus wicara, kasulurang :
- a). Nepekang ring Catmr Dresta (Sastra, Parwa, Loka miwah Desa Dresta), malarapan Dharma Tula.
 - b). Ngupadi kramane sumayan tatas huning ring watesan iwang patut.
 - c). Sang kawon tatas ring kaiwangannya.
 - d). Sang molih tan bas nginggilang kapatutannya.
 - e). Nyapsap bibit mameseh-masehan.
5. Sang mamandel ring pamutus Prajuru, bilih-bilih ngawinang bejaparan Desa Adat, Prajuru nguningayang ming sang rumawos.
6. Sang kabratan ring pamutus Prajuru, wenang nunas bebandingan ring Perintah.

Palet 14
Indik Wawalungan
Paos 36

1. Tan wenang ngelumbar selwir wawalungan suku empat ring pakarangan, bilih-bilih jantos ngerusak kapakarangan panyanding miwah margi.
2. Warga Desa Adat mangda negul/ngelogor wawalungannya, tan ngranjing kakahyangan.
3. Nreptiang wawalungan kasulurang :
- a). Sang madruwe karang sane karanjangan wawalungan ngeleb, mangda malungguhang ring sang adruwe wawalungan ngeleb punika.
 - b). Yan jantor ngrusak, sang kerusakan mangda nunas babawos ring Prajuru.
 - c). Prajuru niwakang pamidandan ring sang adruwe wawalungan ngerusak, nganutang ring agung alit karucakannya, kapastikayang manut pararem.
 - d). Yening jantos ping tiga jroning asasih wawalungan inucap keni papelungguhang, wawalungan wenang kataban tur kepiara olih sang naban sadurung katebus tur kauningayang ring Prajuru.
 - e). Agung alit panebus, manut ring patuduh prajuru madasar pararem.
 - f). Yan ring asasih jantos ping tiga wawalungan inucap keni tetaban olih sang kasucakan inucap ring hajeng, wawalungan punika wenang karampas dados duwen sang karucakan, malarapan pamutus prajuru, tan wenang wicaranan.
 - g). Sang adruwe wawalungan ngeleb ngranjing kakahyangan, wenang keni danda artha lan Dewa ganda, manut Prajuru.
 - h). Wawalungan keni palungguhang tan wenten mariangken, jroning ti - gang rahina wawalungan inucap kasukserah ring Prajuru.

- 1). Wawa lungan padem jroning mataban utawi karaksa Pajuru tan sa -
king kakardi, yadyan sang naban, sang ngraksa miwah sang adru-
we wawalungan tan wenang ngugatang prabeya ring sapa sira ugi.

S A R G H A III
S U K R E T A T A T A A G A M A

Pa let 1
Indik Kasucian Desa Adat
Paos 37

1. Krama Desa Adat katuntun olih Prajuru, mangda pagah ngrajegang Sang-
hyang Agama lan kasucian Desa Adat.
2. Sang kacihnian pelanggang ring Agama, nastika, bilih-bilih ngaletihin
Desa Adat Senganan Kanginan, wenang kasmsipan antuk arta lan Dewa dan-
da, manut Agama, kapikikuh manut pararem.

Paos 38

1. Krama Desa Adat katuntun olih Prajuru wenang mangga nglaksanayang Yad-
nyan Desa, lwire :
 - a). Piodalan-piodalan Kahyangan Desa Adat.
 - b). Pagacin Desa Adat.
 - c). Rahinan Gumdi saka lwire.
 - d). Ngépahayu Desa kalaning kadurmanggala.
2. Tata cara / pidabdab panglaksanaan Yadnyan Desa Adat inucap (Upakara
lan upacara), nganutang Drestan Desa Adat ring sastra Agama saha ka-
pikukuh antuk pararem.
3. Sang kacihnian ngrusak pidabdab ring hajeng, wenang tiwakin pimidanda
manut pararem.

Palet 2
Genah Suci Panyiwyan
Paos 39

1. Panyiwian Desa Adat Senganan Kanginan mawasta Kahyangan/Pura.
2. Pura Panyiwian Desa Adat Senganan Kanginan :
 1. Pura Kahyangan Tiga Desa :
 - a. Pura Desa/Bale Agung.
 - b. Pura Puseh.
 - c. Pura Dalem.
 2. Pura Batur.

2. Pura Batur.
 3. Pura Penataran.
 4. Pura Melanting Desa.
 5. Pura Beji Puseh.
 6. Pura Beji Dalem.
 7. Pura Sengseng Catu (ulun Desa).
 8. Pura Taman Sari.
 9. Pura Taman Suda Mala.
 10. Pura Merajapati.
3. Krama Desa katuntun prajuru mangda manghang kasucian lan katreptian Kahyangan Desa..
 4. Tata Cara midabdab kasucian Kahyangan inucap, kasulurang :
 - a). Nitenin mangda wewangunan lan palemahan Kahyangan jejer asri.
 - b). Pamargin Piodalan saha Widhi Widhanane siosan ring kahyangan - Kahyangan inucap, lantur.
 5. Sang kahanan cuntaka utawi letih manut Agama Tan wenang ngranjing ring Kahyangan panyiwyan Desa Adat Senganan Kanginan.
 6. Bacakan Cuntaka inucap, sane tan wenang ngranjing ring Kahyangan , lwire :
 - a). Sang sebel^k andel : Saja Swala, ngenbasang rare, durung tutug 105 rahina, (ring bapan ipun masengker akepus udel).
 - b). Sang kapademan, sadurung tutug maprayascita.
 - c). Wong astra, wong bobot kasanggama tan sinangaskara.
 - d). Wong kacihnan panten.
 - e). Sato agung / wawalungan, sajawaning kabwatan Yadnya.
 - f). Sahanan barang sane sinanggeh letih manut Agama (bok wiwitan watang, layudan Pitra Yadnya, saka lwirnya.
 7. Tan wenang ring Kahyangan Desa mamisuh, majaljal, mabacin, sanggama, lan salwir laksana sane letih sewosan, jatma luh ngambahang rambut (tan kalaning katapak manggeh sutri/, mungah teduh ring pelinggih tan saking pituduh prajury.
 8. Sang kacihnan malaksana letih kadi inucap, miwah sang kecihnan saru-ron ring kacorahan inucap, wenang kasisipan, pamidandane manut para - rem.
 9. Sang mamurug utawi mamandel ring pamutus pararem inucap, keaturuning ring sang rumawos.

Paos 40

1. Prabeyan kabwatan Widhi Widhanan Desa Adat Senganan, kategen olih kra ma, tur pamumayan pawidhi widhana inucap, kasulurang ring uger-uger panyacah.

Paos 41

1. Prajuru wenang mastikayang, indik :

- a). Kayogyan mangku munggah tedun ngiasin pelinggih-pelinggih ring Kahyangan Desa Adat.
- b). Piodalan lan aci-aci Desa Adat Agung alit manut pararem.
- c). Nguduh tur muntun warga penyungsung merajan sajobag Desa Adat Senganan Kanginan ninutin uger-uger pidabdab pengacin Desa, tur tan ngerusak drestan karihinmanya.

2. Sang tungkas ring pidabdab inucap, prajuru wenang nyisipang, tur maweh pamidanda manut para rem bilih-bilih ring penyungsung merajan yang tungkas, tan wenang sareng nyejer lakaning pangasangan ring Bale Agung.

Palet 3

Indik Tunon, Setra miwah

Atiwa - Tiwa

Paos 42

1. Genah mendem/ngeseng sawa ring Desa Adat Senganan Kanginan mawasta : Setra, Tunon.
2. Genah mendem sawa rare mawasta setra bajang.
3. Sang ngangge setra mangda munas babebasan prajuru, tatane ngangge, manut pituduh prajuru.
4. Tan wenang makta sahanan letuh serta ngelalah ke Desa pakwaman, bilih-bilih ke Kahyangan.

Paos 43

1. Mendem/ngeseng sawa kasulurang :

- a). Tan wenang nginepang bangbang genah pacang mendem sawa.
- b). Sawa wong rare durung mayusa tigang sasih, wenang pendem pramangke, tan ngetang larangan dewasa.
- c). Yan ring abanjaran mendem/ngeseng sawa lintang ring adiki arahina, tur ring setra tunggal, sawa sane mampekan ring serta rihinan memargi.
- d). Ring abanjaran wenten mendem lan wenten ngaben kalebwang sapisan ring arahina, wenang sane mamendem rihinan ilenang.
- e). Wang padem salah pati saka lwire, kengin bakta budal, kapakubonan, tur sasampun ketebas kengin margiang sapulapari pitra Iadnya.

- f). Tan wenang nglangkar watang, sadurung masadana upakara panulat margi.
- g). Gagumuk ring setra, yan ngalikadin, wenang kagubar, olih sang adruwe sawa. Yan sang inucap piwal, gagumuk wenang kagubar olih krama, tan wicaranan.

Paos 44

1. Dewasa atiwa-tiwa, kasulurang :
 - a). Sang pacang atiwa-tiwa, wenang munas bebawosan dewasa ring Prajuru.
 - b). Paniwak bebawosan Prajuru, tan wenang nyantulin sukretan Desa Adat, pamekas tan nyepungin kasucian Desa lan Kahyangan.
 - c). Sajawaning wenten kabwatan Yadnyan Desa, Krama lan wawangunan mabwat, pamekas yan ring Desa galahe embang, masengker jroning 7 rahina sang padem dados katiwa-tiwayang.
 - d). Sang wang rare durung mayusa tigang sasih, tan wenang kaben, mapendem tan nge tang dewasa larangan.
 - e). Sawa wong alit mayusa langkung tigang sasih, durung maketus untu tan dados kaaben, mamendem ngetang dewasa larangan.
 - f). Pamrascita sawa ring hajeng (d lan e), wenang nglungah.
2. Panyanggran upakara atiwa-tiwa wenang kapasrah ke Banjar.
3. Desa Adat sumakuta nyanggra maweh babebasan manut awig-awig Desa Adat.

Paos 45

1. Larangan Dewasa atiwa-tiwa manut pararem.
2. Wong lian Desa Adat, yening mendem/atiwa-tiwa sawa ring setra Desa Adat Senganan Kanginan wenang naur pananjung batu, manut pararem.
3. Tan wenang mendem, ngeseng sawa ring karang paumahan, tegal, carik saka lwire.
4. Sang tungkas ring pamastika inucap, kasisipang tur kapidanda manut pararem.

S A R G H A IV
SUKERTAN TATA PAWONGAN
PALET 1

INDIK KAWIKON GURU LOKA

Paos 46

Indik Mapudgala

1. Sa ng pacang mapudgala/medwijati sejawaning nmas pamugrahan ring sang rumawos (Parisada Hindu Dharma); utawi Pemerintah taler patut masadok ring Bendesa Adat.
2. Perejuru Desa Adat inucap, patut sareng nureksanin mangda sulur kaling pamarginne yakti-yakti manut ring kecaping Agama Hindu. Sane patut ketureksanin pinih hajeng, kesedaangga miwah kemulusan wesanan maurip.
3. Perade wenten kantung sinanggeh kamer, prajuru inucap patut atur uninga ring sang rumawos.
4. Perejuru Desa Adat inucap patut sareng nyaksinin pamargin upakarane.
5. Sapupute perejuru Desa Adate, patut digelis nyiarang ring paruman Desa Adat. Indik biseka Sang Diniksan miwah pengeloka pala seraya manut pamugrahan nabene. Indik busana kesulinggihan manut pemutus Parisada Hindu Dharma.

Paos 47

Nitenin Indik Sang Sampun
Mapudgala

1. Parejurune patut nuntun saha ngemanggalanin krama Desa Adat ngawas nitenin pamargin para wikune ring wewidangan Desa Adat pemuat mikukuhin kesucian linggih Ida.
2. Perejuru pamakas Bendesa Adat, patut digelis uninga ring atur piuning nabennya, perade wenten kecihnan wiku sasaring laksana tur atur piuning punika patut kadulurin cihna manut Tri Premana (Bukti, Saksi, Ilkita).
3. Daging pemutus bawos sane katiwakan antuk nabennya digelis kesiarang ring paruman Desa Adat.

4. Perade pemutus tetiwake ring ajeng kapineh durung sida tinas apa - dang, perejurune atur upeksa ring sang rumawos (Parisada Hindu Dharma utawi Pemerintah).
5. Pemutus tetiwak nabe sane sampun pastika, tan kewicaran muah.

Paos 48

Indik Nitenin Pemargin Yadnya.

1. Sang pacang mawintenmaka buatan pacang memargi ngemangkunin, nyon - teng, kebayan, dalang sakaluwirnya, pacang ngenterang/ngantebang Yadnya, patut mesadok ring perejuru.
2. Perejuru-perejuru inucap patut ngawas nitenin mangda pemargimya manut ring kekecap Agama Hindu, miwah dresta.
3. Perejuru Desa Adat wenang ngalangin perade kecihnan sasar ring ke - kecap Agama Hindu miwah dresta.
4. Sang tan terima tetuwak perejuru inucap dados nunas pemutus ring sang rumawos.
5. Pemutus bawos sane ketiwakin antuk sang rumawos ring ajeng sinang - geh pemutus pastika tan kewicaranan.
6. Perejuru-perejuru Adat patut digelis nyilarang ring paruman Desa Adat, tur patut sareng nyaksinin upakara/ngilenang sang mawinten, sapupute patut digelis kesiarang ring paruman desa Adat, tegap ring wates kewenangan nganteb yadnyane sane dados pemargiang, manut pemuqrahan Dang Guru / Dresta suwang-suwang.

Paos 49

M u p u t Y a d n y a

1. Kera_ma Desa Adat patut sareng ngawas nitenin ketuntun olih pereju - ru mangda mehanan yadnya sane kewentenang keicen pemu_{put} olih su - linggih (Pedanda, Pemangku saka lwire).
Manut dedad_{on}nannya kadi kewenangannya suwang-suwang manut dresta.
2. Perade wenten ngelepasin bilih-bilih sane pastika nyumuka perejuru wenang ngalangin utawi ngurungan yadnya inucap.
Perade ketelanjur kedurusan yadnya saha palawesanannya sinanggeh tan wenten sah.
3. Sang ngelepasin utaw_i dustan_{nyane} patut ketiwakin pamidanda olih perejuru, agung alit manut sudosane.

4. Perade sang ketiwakin tungkas ring pemutus perejuru, wenang ketunasang bawos, sane patut ngicenin pemutus pemekas tan wenang wicaranan malih.

Palet 2

Pewarangan miwah Pekulawargan.

Paos 50

P e w a r a n g a n

1. Sinalih tunggil krama pacang ngewarangan kulawargannya patut masadok ring Bendesa Adat senistane tigang rahina sebanen dewasa ancer pewarangannya.
2. Perejuru-perejuru inucap patut maritatasang perade pemargine sampun manut ring drestaning pewarangan, patutkeicen pesay uban sepatutnya, Perade tan mamut, perejuru-perejurune ngutsahayang ngicenin penuntun larapan pemargine sida manut tata cara.
3. Yan pewarangan inucap lempas ring kakecap Agama upami : (gamia sang-gama), taler lempas ring pemastika Undang-undang Sang Guru Wisesa (undang-undang perkawinan RI miwah pelaksanaannya), sinanggeh ngawinang terak jagat, perejuru-perejurune patut maweh penuntun, larapan pewarangannya keurungang.
4. Perade penureksannya nyihnayang pewarangan sampun manut ring dresta, upakarannya dados kelanturang.
5. Ring panumayan upakara pewidi widanannya, perejuru-perejuru inucap patut nodia pinaka saksi.
6. Perejuru-perejuru saksi punika patut nitenin indik sulur pemargin pewarangannya sane mabuat upami : bebaktan tetadan jiwa gana, sang peredana, sulur purusa peredana lan selanturnya.
7. Bendesa adat gelis nyulurang pewarangan inucap ring hilikitannya saha nyiarang ring paruman Desa Adat.

Paos 51

Pemerasan Sentana

1. Sinalih tunggil kerama yan pacang ngidih sentana, patut mesadok ring Bendesa Adat, senistane asasih sebanen dewasa pemerasan.
2. Bendesa Adat patut nyiarang ring banjare.
3. Sang numasa keberatan ring pemerasan, punika senistane mesengker sewuku (7 rahina) sebanen dewasa pemerasan, patut nunas bawos ring Bendesa Adat.

4. Bendesa Adat digelis mawosin ngicenin pemutus bawos tepekang ring Sastra/Undang-undang miwah dresta sewosan.
5. Perade sulur pemerasan tan manut sastra miwah dresta, Bendesa Adat patut ngandeg sang pacang mekarya, saha ngicenin tuntunan mangda kepuputang rihin bebawos sulur utawi wicarane.
7. Yan sulur tata pemerasan sampun manut, Bendesa Adat ngicen pesa-yuban larapan upakara widi widana sida kelaksanayang.
8. Ring penumayan upakara kemargiang Bendesa Adat patut mabea pinaka saksi.
9. Selanturnya sewusan ngupakarabin, Bendesa Adat digelis nyuratang pemerasan inucap ring hilikitannya, miwah nyiarang ring paruman Adate kapungkur.
10. Bendesa Adat nyaksi upakarane, pamakas rikala ngunggahang ring iliki-ta patut pastikayang, wenten utawi tan wenten berana saka luwiri sane siyanggeh runtutan pemerasan.

Paos 52
N g e r o b a n g

1. Sehanan kerama sane ngerobang utawi ngajak anak sewosan lepas de-restan pakulawargane upami :
 - a. Ngajak wong duduk-dudukan.
 - b. Ngajak nyama mulih saking mapikuren.
 - c. Jadma masundulang dewek.
 - d. Ngajak nyama mulih saking rajeng sentana.
 - e. Ruwang pastika jenek miwah sane sewosan patut atur piuning ring Bendesa Adat.
2. Pesadok ring hajeng kedulurin antuk keterangan pastika ngenenin linggih, arta berana, tategenan keramane kalih sang keajak inucap.
3. Kerama sane ngerobang/keajak patut arepe ring kesukertan (negen tanggung jawab); negenang lampah sang keajak arepe ring kesukertan Adate.
4. Bendesa Adat ngunggahang pesadok punika ring ilikitannya saha yiarang ring paruman adate.

Palet 3

Indik Powiwahan

Paos 53

Sah Alaki Rabi

1. Indik Powiwahan/alaki rabi; Desa Adat Senganan Kanginan ngemang -
gehang daging Undang-undang Perkawinan RI No. 1 Tahun 1974, miwah
peraturan pelaksanaannya No. 9 Tahun 1975.
2. Sinalih tunggil kerama kepastika sah perabiannya yan sampun saha
widi widana manut Agama Hindu.

Paos 54

Ngerorod / Ngerangkat

1. Kerama sane nampi wong ngerorod patut peremangkin masadok ring
Bendesa Adat.
2. Bendesa Adate patut digelis netes sang Ngerorod, maka buatan me-
riktiyasayang, manut utawi sang sah pemargine manut dresta.
3. Bilih sampun nepak pemargine ring dresta sang Ngerorod miwah sang
nampi polih pamikukuh pasayuban Banjar, mekadi Bendesa Adat.
4. Perade pemargine tan mantu ring dresta, Bendesa Adat patut digelin
melasang kinira kira katetehan, kewehin pesayuban ring jeron Ben-
desa Adat.
5. Bendesa Adat patut digelis ngutsahayang metahu wirang sang kete -
tehin punika, perade doh genah linggihnyane ring dura Desa tur
utsahane katur ring sang rumawos (Pemerintah) manut dudonan Pe-
rebekel, Camat.
6. Sang mamiseka keparitetas wasan kalih umahnyane, patut ketundung
saking wewidangan Banjar.
7. Kramane sane nampi patut ketetes saha katureksanin manut ring
prekertinnyane. Yan seruron ring corah/nyarengin misekayang wenang
denda, agung alit manut pemutus Bendesa Adate tepekang ring pera-
rem.

Paos 55

N e t e s

1. Sang mesesep sane pacang netes pengerorodan patut masadok tur nu-
nas penuntun ring bendesa Adat. Bendesa Adat patut nureksa nata -
s ang sesep punika, jati tan jatine patut pernah wirang ring sang
ngerorod.

2. Yan linggihnyane jati-jati pernah wirang Bendesa Adate patut di gelis ngater seserep kumamah genah sang ngerorod.
3. Sang maseserep patut tinut ring sepetuduh Bendesa Adat ngenenin tata tetes pengerorodan lwire :
 - a. Ngeranjing ke umah inucap tan langkungan ring 2 diri.
 - b. Tan kengin makta senjata/gegawan sakalwire.
 - c. Tan kengin makta senjata/metingkah kalih mebawos purusa / nang tang.
4. Senapake I Bendesa Adat patut midabdabin mangda tata cara penetesang trepti makabuatanne mangda anake istri sane ngerangkat jati-jati polih nerangang idepnyane saking bebas pisan, lwire pidabdab :
 - a. Anake istri genahang ngeraga, tan dados anak sewosan nampekin tur tinas inange.
 - b. I Bendesa Adat nuntun tur nyulurang mangda sang maseserep polih metaken ring sang istri punika.
 - c. I Bendesa Adat nyumakutayang pamakas ring anake istri yan pada arsa pangerorodanne, sang maseserep pacang ketulak.
 - d. Yan saking pemaksan, sang lanang pacang ketiwakin pamidanda/katundung.
5. Pemutus I Bendesa Adat dumugi melaksana manut ring pemutus idep anake istri inucap. Yan tan upekse ring Bendesa Adat kandungi :
 - a. Marep ring sang nampi.
 - b. Marep ring sang ngerorodang.Kewentenang dadendan agung alit manut perarem.
6. Yening piwal utawi tan minutin pidabdab alaki rabi unicap ring ajeng patut kedanda, agung alit manut perarem.

Palet 4

Indik Sulur Tereptining Pawongan

Paos 56

Ngembasang Rare

1. Yan wenten kerama maderuwe putra, masangker 3 rahina sakeng embasnyane patut mesadok ring Bendesa Adat.
2. Bendesa Adat ngunggahang sang embas punika ring ilikita Adate.
Saha nyuarayang Kulkul.
 - a. Yan lanang..... kelentungan.
 - b. Yan istri !..... kelentungan.

3. Yan wenten kerama mederuwe putra ngembasang putra langkungan ring adiri sepisan luwire :
 - a. Yan Sami lanang nyuarayang kulkul..... kelentungan.
 - b. Yan sami istri nyuatayang kulkul..... kelentungan.
 - c. Yan lanang istri nyuarayang kulkul..... kelentungan.
4. Yan wenten kerama ngembasang putra buncing (sane lanang riinan sane istri ungkuran), indik punika tan wenten patut kebawos "Ma-nak Salah".
5. Sang kewentenannya kadi inucap ring ajeng patut Banjare arsa perama tulung.
6. Perade Banjare rumasa keletehan sejeroning kewentenang keramannya maputra buncing; patut banjare ngewentenang upakara pamarisuda mamut Agama.

Paos 57

Kelabubahangan

1. Yan wenten kerama kelabubahangan (Seda) mesengker aselid patut masadok ring bendesa Adat.
2. Bendesa Adate ngunggahang sang Seda ring ilikitan Adate saha nyuarayang kulkul.

Paos 58

T a m i u

1. Kerama Desane nampi tamiu jantor makolem patut mesadok ring bendesa Adat.
2. Peradene tamiune pacang madunungan jantor langkung ring seuku Bendesa Adat Patut nureksanin pisan mungguwing maka buataannya miwah surat-surat keterangan.
3. Bilih yan medunungan jantos sasihan utawi tahunan suwennya patut keunggahang ring ilikita Desa Adat; tur dunungan inucap patut sareng nedunin mesuka duka.
4. Yan tan tinut kadi inucap ring ajeng patut kadenda agung alit mamut perarem.

S A R G H A V
TATA SUKRERTAN AWIG-AWIG

Palet 1
Perarem Miwah Pesuara
Paos 59
Ngardi Pararem.


1. Paruman Desa Adat Patut ngamedalang pararem-perarem anggen nyangke -
pin awig-awiganyane nunggu-nunggul manut dudonan.
2. Daging sahan pararem patut seelon ring awig-awig.
3. Sane patut keunggahang ring perarem :
 - a. Dewasa ngawitin unteng-unteng daging awig-awig sane mabuat.
 - b. Rarincian penyahcah daging awig-awig sane mabuat.
 - c. Agung alit denda-denda lan panikel-panikel lan selanturnya.
 - d. Tata sulur ngemargiang daging awig-awig.
 - e. Sehanan indik sewosan anggen nyangkepin daging awig-awig.
4. Paruman perejurune wenang ngamedalang pesuara-pesuara nyangkepin daging awig-awig Desa Adat.
5. Daging pasuara-pasuara tan maren patut :
 - a. Seelon ring daging awig-awig.
 - b. Manut ring catur deresta (purwa, loka, desa, sastra).
 - c. Pastika nyantenang dewasa pengawit pemarginnya.
 - d. Nyantenang agung alit dadendannya perade kepurug.

Palet 2
Indik Pemuput
Paos 60
Muputang Awig-awig.

1. Desa Adat rikala ngemargiang sedaging Awig-awig muah usaha Desa
patut tan maren :
 - a. Seelon utawi mewirasa ring sehanan preyogia sane taler ngawi-
wenang wong Desa Adate.
 - b. Ngewentenang galah pengala Dosa mangda wong Desane polih ngupadi
pengupa jiwa, nincapang pengeweruh miwah usaha niri-niri sewosan.
2. Awig-awig puniki kelingga tanganin antuk Bendesa Adat Senganan Kangi-
nan maka cihna pemutusnya.

3. Sajaba lingga tangan kadi inucap ring ajeng (2) taler keatur ring :
 - a. Perbekej Desa Senganan.
 - b. Camat Penebel.
 - c. Parisaga Hindu Dharma Kabupaten Tabanan manggeh saksi.
4. Keatur ring Guru Wisesa makadi antuk Bupati Kepala Daerah Tingkat II Tabanan mangda katureksa tur kelingga tanganin maka murdha pa - mikukuh.
5. Sekancan perbuatan Desa Adat Senganan Kanginan puniki sane durung munggah ring awig-awig puniki pacang keenggahang ring peparema.

LWIR SANG NGLINGGA TANGANIN




Senganan Kanginan 6 AGUSTUS 1990.

Bondesa Adat Senganan Kanginan.

I MADE WENTEN

SAKSI-SAKSI



1. Kepala Desa Senganan

I MADE DAVES DEKER



2. Parisada Hindu Dharma Indonesia
Kecamatan Penebel.

GEDE LUHUR



Camat Penebel

Drs. I KETUT ASTITA JAYENG WIGUNA

Kawikanin :

1. Badan Pembina Pelaksana
Lembaga Adat Kab. Tabanan.


I Made Suandra,



2. Ketua Parisada Hindu Dharma
Kabupaten Tabanan

Atung

I MADE SAMBA



Kepala Kantor Departemen Agama
Kabupaten Tabanan.

I DABAGUS OKA

Murdhaning Pamikukuh

Bupati Kepala Daerah TK. II Tabanan.



I KETUT SUNDRIA

NIK. J-1507/0

P A M A T U T

Nomer	Sargah	Palet	Paos	Kaca	Katulis	Sapatutnya	
1.	-	-	-	-	sakulawarga	pakulawarga	
2.	-	-	-	-	geragang	ngerajegang	
3.	-	-	-	-	mapamuger	mapauger	
4.	-	-	-	-	miwah druwening..	miwah druwening pawongannya	
						sami	
5.	I	1	1	1	1	Haran	Aran
6.	I	4	1	5	1	Hantuk	Antuk
7.	I	4	1	5	1	Telajakan	Tempekan
8.	II	1	1	9	3	ngesehin prareti	ngesehin prawerti
9.	II	4	1	12	5	ngwakilin	ngawakilin
10.	II	4	1	13	5	hajeng	ajeng
11.	II	5	1	14	5	disedeng pemangku	disedeng pemangku kawekas
					kawekas seda	seda	
12.	II	7	1	22.	8	Tengeran kulkul	Tengeran kulkul
					kaamat	keamuk tepak kulkul bulus	
13.	II	7	1	29.2	11	huning	uning
14.	II	7	1	31.1.a	11	undukan	dudukan
15.	II	13	1	35.4.a	14	Parwa	Purwa
16.	II	13	1	35.5	14	bejaparan	beyaparan
17.	III	2	1	39.6	16	sajawala	ngrajasewala
18.	III	3	1	43.1.d	17	kalabwang	kalabubahangan
19.	IV	1	1	46.2	19	kasedaangga	kacedaangga
20.	IV	3	1	55.1	23	sang masesep	sang maseserep
21.	V	2	1	60.3	27	a. Kepala Desa Senganan	
					b. Patut		
					c. Patut		
					d.	d. Badan Pembina Pelaksana	
						Lembaga Adat Kab. Tabanan.	
					e.	e. Kepala Kantor Departemen	
						Agama Kab. Tabanan.	